

■ OR DA LA VITA DA LUDMILLA CAHENZLI

La cumplexitad da las soccas

DA LUDMILLA CAHENZLI

Easy, schessan mes uffants. In-
troducir ina nova chasarina n'è
insumma nagin problem. Ins
mussa ad ella nua ch'il tschitscha-
pulvra è, co che la maschina da la-
var funcziuna e lura marschi
puspè. Ma hopla. La chaussa n'è
tuttina betg uschè simpla.

Jau, Ludmilla Cahenzli, sun adi-
na stada segira che mes percha-
sa saja il pli simpel perchasa ch'i
dat en Svizra:

- Far ora cul fier – be las cha-
mischas dad Eugen!
- Tagliors vegnan direct en la ma-
schina – nagut cun derschentar.
- Tschitschapulvra vegn fatg uschè
pauc sco pussaivel.
- Nettegiar palantschieus – sulet
curt avant che mes um Eugen
tschiffa in'attatga dal cor.
- Sut talas circumstanças èsi bain
pipas d'introducir ina nova chasa-

rina. Quai è fatg en diesch minu-
tas.

Oz è la nova vegnida per l'em-
prima giada. Ed jau hai fatg
persenn ch'in perchasa è ina vaira
scienza. Schizunt tar ils Cahenz-
lis.

Il rument sa chatta en cuschina
sut il bigl, sco tar tuts. Ma il rest
è unic, p. ex. co dustar vestgadira.
Quai fa mintga dunna auter. En
mes perchasa existan anc perfi-
ditads spezialas. Pir cun mussar a
la nova chasarina hai jau badà che
jau mett ensemen las chautschas
suten sin trais differentas modas:
Quellas dals uffants faud'jau ina
giada. Quellas dals creschids tut
tenor, sch'ellas èn per in mastgel u
per ina femella, trais giadas u in-
summa betg.

Tar las chautschas normalas va
quai teater vinavant. Las

chautschas d'uffants èsi da faudar
ina giada sin il lung. Quellas dals
creschids duas giadas. Insatgi che
legia quai po pensar: Questa Lud-
milla batta. Daco n'unifitgescha
ella betg il sistem e metta ensemen
tut tuttina.

Quai è prest ditg! Ma i na va
betg. Sch'ins mettess ense-
men las chautschas dals uffants
tuttina sco quellas dals creschids,
vegniss la pluna memia auta e las
chautschas n'avessan betg plaz en
stgaffa. E las chautschas dals cre-
schids na pon ins era betg metter
ensemen auter, uschiglio na du-
mognan ins betg ellas en la cha-
schutta.

Ina schliaziun fiss sa chapescha
da cumprar novas cumodas u
stgaffas. Lura pudess ins unifitgar
e raziunalisar il sistem. I fiss ina
simplificaziun e raziunalisaziun
che duvrass l'emprim ina investi-

ziun (tuna bain!?!). Ma tar l'investi-
ziun fiss Eugen encunter. Pia:
Senza investiziun, nagina raziuna-
lisaziun.

Ma laschaina questas banalas
reglas economicas e turnain
tar mes dachasa. Tut quai ch'jau
hai ditg fin uss è en sasez anc
sogn. Igl è pli simpel da declerar la
varietad da plantas en la tschungla
africana che da far cler ad insatgi
la cumplexitad da las soccas da la
famiglia Cahenzli. Fitg irritond è
cunzunt ch'i exista da tschertas
spezias da soccas be in exemplar.
Magari chattan ins in segund
exemplar cun in muster sume-
gliant ma che ha ina total outra
colur. Jau suppon che singulas
soccas fan atras en la maschina da
lavar ina metamorfosa.

Metter ensemen endretg nos-
sas soccas, n'è gia mia
chasarina veglia betg vegnida da

far. Cunzunt betg da dustar ellas
en il dretg lieu.

Magari ha ella dustà las soc-
cas da la pitschna en il
truclet d'Eugen ed il cuntrari.
Per part n'èn tals sbagl gnanca
vegnids remartgads. I dat com-
members da mia famiglia che
van mintgatant ord chasa cun
soccas ch'èn diesch numers me-
mia grondas u diesch numers
memia pitschnas. Senza ch'els fa-
schessan persenn. Els èn era ven-
tiravels cun soccas ch'èn diesch
numers memia pitschnas u me-
mia grondas. Quai mussa atgna-
main che l'entir hardumbel cun
il perchasa n'è gnanc uschè
impurtant. Also Ludmilla, tge
stattas qua e fas quitads. Dai gas
e va a luvrar. La nova chasarina
vegn bain a frida.

Tschüss fin l'autra giada!